



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-479-3/25**
Datum: **20.11.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica "MP PUPO" d.o.o. Lukavac za izdavanje prethodne vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za tov junadi, planirane za izgradnju u Lukavcu, na osnovu člana 139. stav 2. tačka 1. i član 96. Stav 1. tačka 16. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev "MP PUPO" d.o.o. Lukavac za izdavanje prethodne vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za tov junadi, kapaciteta 80 grla junadi, planirane za izgradnju u Lukavcu, na parcelama označenim kao k.č. 1185, 1186 i 1187/2 K.O. Modrac, Grad Lukavac, s obzirom da je planirana aktivnost u suprotnosti sa članom 96. stav 1. tačka 16. ZOV-a.
2. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.

O b r a z l o ž e n j e

Pravno lice "MP PUPO" d.o.o. Lukavac se obratio zahtjevom bez broja zaprimljenim na protokolu ove Agencije 11.11.2025. godine za izdavanje prethodne vodne saglasnosti aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za tov junadi, kapaciteta 80 grla junadi, planirane za izgradnju u Lukavcu, na parcelama označenim kao k.č. 1185, 1186 i 1187/2 K.O. Modrac, Grad Lukavac.

U postupku dostavljena je i pregledana sljedeća dokumentacija:

- Rješenje o registraciji broj: 032-0-Reg-11-002234 od 18.11.20111 godine izdato od strane Općinskog suda u Tuzli;
- Ovjereni kopiji Rješenja o poreskoj registraciji izdatoj od Porezne uprave Kantonalni ured Tuzla od 10.01.2008. godine
- Ovjereni kopiji katastarskog plana, razmjera 1:2500, broj plana 3, UR broj: 05-26-3-1555/2025-2 od 21.05.2025. godina izdato od Službe za urbanizaciju, imovinske i geodetske poslove, Grad Lukavac;
- Ovjereni kopiji zemljišnoknjižnog izvotka broj: 126-0-NAR-25-003 926 ZK uložka 390, 1178, 4 i 1179 od 28.08.2025 godine K.O Modrac, Općinski sud u Lukavcu;
- Dokaz o uplaćenju upravnoj pristojbi;
- Mišljenje broj: 05-19-3144/2025 od 27.10.2025 godine izdato od Službe za urbanizaciju, imovinske i geodetske poslove, Grad Lukavac;
- Izvještaji o pripadnosti čestica vodnom dobru i poplavnom području iz ISV Agencije za vodno područje rijeke Save» Sarajevo,
- Vodna studija u postupku pribavljanja prethodne vodne saglasnosti za potrebe gospodarskog objekta – farmu junadi-štala investitora "MP PUPO" d.o.o. Lukavac, urađena od strane „ATRIUS projekt" d.o.o. Živinice, novembar 2025. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije utvrđeno je sljedeće:

Lokacija na kojoj je planirana predmetnog objekta nalazi se u Lukavcu, na parcelama označenim kao k.č. 1185, 1186 i 1187/2 K.O. Modrac, Grad Lukavac.

Objekat je namijenjen za uzgoj junadi, kapaciteta 80 grla.

Osnovni podaci za izgradnju objekata i sama aktivnost u njima definisana je u dostavljenoj dokumentaciji: Vodna studija u postupku pribavljanja prethodne vodne saglasnosti za potrebe gospodarskog objekta –farma junadi-štala investitora "MP PUPO" d.o.o. Lukavac, urađena od strane „ATRIUS projekt" d.o.o. Živinice, novembar 2025 godine.

Prostornom analizom, na osnovu dostavljene dokumentacije (situacije terena sa položajem i gabaritima objekta) i položaja granica vodnog dobra iz ISV-a, utvrđeno je se predmetni objekat nalaze izvan granica vodnog dobra, te u tom slučaju za isti ne važe zabrane iz člana 12. ZOV-a.

Uvidom u ISV i najažurnije podatke o poplavnom području uz rijeku Spreču dobivene na osnovu hidrodinamičkog modela rijeke Spreče urađenog za potrebe projekta Izrada Mapa opasnosti i mapa rizika od poplava za Bosnu i Hercegovinu, koji je izrađen na detaljnim podlogama dobijenim snimanjem Lidar tehnologijom, utvrđeno je da se predmetne zemljišne čestice označene kao k.č. 1185, 1186 i 1187/2 K.O. Modrac, Grad Lukavac, u cijelosti nalaze unutar linije dopiranja velikih voda rijeke Spreče ranga pojave 1/100, te za predmetne zemljišne čestice važe zabrane iz člana 96. stav 1. tačka 16. ZOV-a.

Od strane Federalnog ministarstva poljoprivrede, vodoprivrede i šumarstva dobijeno je tumačenje člana 96. stav 1. tačka 16. ZOV-a, kojim se vodi AVP Sava prilikom definisanja zaštitnih mjera po zahtjevu Investitora. Zaštitne mjere se definišu samo za dijelove poplavnih područja gdje je dubina manja od 1,0 m, jer prema Mapama opasnosti od poplava koje su izrađene za BiH područja sa dubinama preko 1,0 m predstavljaju opasnost za svakoga (zona visoke opasnosti) i predstavlja visoku opasnost po gubitak ljudskih života za svakoga ko se zadesi u to vrijeme na tom lokalitetu te je u takvim slučajevima neodgovorno i neracionalno propisivati bilo kakve zaštitne mjere Investitoru, već se problematika zaštite od štetnog djelovanja voda za takve lokalitete mora rješavati izgradnjom adekvatnih zaštitnih vodnih objekata, po procedurama koje su od ranije poznate nadležnim gradskim Službama.

S tim u vezi na osnovu podataka iz ISV-a izvršena je dodatna analiza dubina vode na predmetnoj zemljišnoj čestici, na osnovu koje je utvrđeno da se predmetni objekat u cijelosti, nalazi na dijelu zemljišne čestice označene kao k.č. 1185, 1186 i 1187/2 K.O. Modrac, Grad na kojem su dubine veće od 1,0 m, a prema Mapama opasnosti od poplava koje su izrađene za BiH dijelovi poplavnih područja sa dubinama preko 1,0 m predstavljaju opasnost za svakoga (zona visoke opasnosti) i u ovom slučaju je neodgovorno i neracionalno propisivati bilo kakve zaštitne mjere Investitoru pozivajući se na član 96. stav 1. tačka 16. ZOV-a.

U ovom trenutku u suprotnosti je sa članom 96. stav 1. tačka 16. ZOV-a da se izda bilo kakva saglasnost ili odobrenje u svrhu građenja bilo kakvih zgrada ili drugih objekata ili legalizacije istih koji ne služe za odbranu od poplava sve dok na predmetnom lokalitetu ne budu izgrađeni adekvatni zaštitni vodni objekti u skladu sa procedurama.

Na osnovu navedenog u skladu sa odredbama člana 96. stav 1. tačka 16. Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- „MP PUPO" d.o.o. Lukavac, Studenac bb, Lukavac
- Ⓞ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava